

IN MEMORIAM

Prof. dr Mehmed (Sadik) Dedić

(1941 – 2020.)



Dana 26.12.2020. godine, poslije duge i teške bolesti, u 80. godini života, u Brčkom je preminuo prof. dr Mehmed (Sadik) Dedić, dugogodišnji profesor Sociologije na Ekonomskom fakultetu Brčko.

Profesor Dedić je na Ekonomskom fakultetu Brčko prošao sva zvanja, od asistenta do redovnog profesora, za naučnu oblast sociologija i filozofija. Bio je prodekan za nastavu u periodu 1.9.1980-28.2.1982. godina i dekan Fakulteta u vremenu od 1.9.1984. do 28.2.1986. godine.

Od 1992. godine bio je redovni profesor Ekonomskog fakulteta u Tuzli.

Profesor Dedić je autor nekoliko udžbenika, knjiga i monografija, kao i većeg broja naučnih i stručnih radova iz oblasti sociologije, filozofije i menadžmenta.

Mnoge generacije studenata pamtiće ga kao dobrog i korektnog profesora, a njegove kolege kao prijatnog, vedrog i uvijek raspoloženog za saradnju.

Profesor Dedić je živio i ponašao se dostojanstveno, u skladu sa svojim principima i pogledima na život. Završio je životnu misiju, zatvorio svoju životnu knjigu i ostavio je svojoj porodici, studentima, kolegama i prijateljima, kao dokaz o postojanju.

Neka mu je vječna slava i hvala.

Kolektiv i studenti Ekonomskog fakulteta Brčko.